

Thug a' bhò bhreac breab don tuathanach mus do bhris i a-mach às a' bhàthach. Leag i feansa agus balla mus do stad i. Thog an tuathanach feansa ùr ach tha na clachan ro throm dhan tuathanach. Mar sin, tha toll mòr fhathast sa bhalla.

Sheas mi air stòl ri taobh Dad fhad 's a bha sinn a' fuine. Rinn sinn bonnach. Dh'ith sinn am bonnach le brot. Chòrd am bonnach agus am brot rinn.

Dhùisg mi tràth 's mi a' dol a shnàmh. Thog mi am baga le stuthan snàmh ann agus dh'fhalbh mi dhan amar-snàmh. Bha mi a' snàmh gus an do dh'fhàs mi sgèth.

Dùisgidh sinn tràth Latha na Nollaig. Bidh poca làn phrèasantan fon chraoibh dhuinn. Ithidh sinn biadh blasta tron latha agus cluichidh sinn geamannan.

Thug mamaidh agus dadaidh chun a' sù sinn. Chunna mi muncaidh agus crogall. Chan fhaca mi tìgear. Bhrìst agus thilg mi aran gu na tunnagan.

Tha mo bhràthair beag cho crosta! Nì e rud sam bith airson mo chur a ghal. Bidh e a' falach an teadaidh agam agus a' sadail rudan orm. Bidh Mamaidh agus Dadaidh a' trod ris gu tric.

Tha mi fadalach, tha mi duilich. Bha dàil air an trèana.  
Thàinig mi air a' bhus, bus a bha slaodach a' dol tron  
bhaile a' togail dhaoine.

Choisich mi dhan sgoil. Bha mo chasan agus mo làmhan  
fuar. Chluich sinn ball-coise anns an talla. Bha mi  
a' gluasad agus dh'fhàs mi blàth.

Bha sinn a' cluich sa phàirc nuair a thòisich an t-uisg'.  
Chaidh mise agus mo bhràthair fo sgàilean Mamaidh.  
Dhòirt e agus dhòirt e. Dh'fhàg an t-uisg' lòintean mòra  
air an rathad. Nuair a sguir an t-uisge, rinn sinn splais  
sna lòintean le ar bòtannan.